



PESONA DUNIA

Elly Johana Johan & Zalilah Abd Aziz

Dunia...
Walau kau makin tua
Hampir mencukupi haul dan masa
Tidak pernah tidak penghuni di dalamnya
Diulit rasa pesona tempat singgah sana
Benarlah, Ya Rasulallah SAW
Kau pernah bersabda
Manusia akan ditimpa penyakit takut mati dan
cinta dunia

Ya Rasulallah SAW
Kau juga pernah bersabda
Umat yang kau kasih
Akan turut merasa
Terlalu banyak suka ria
Terlalu mewah pada gaya dan cita rasa
Mengumpul harta banyak tidak terkata
Menipu helah merebut aset dunia
Amarah dijadikan lumrah dan resam dunia
Dengki mendengki, zalim menzalimi perkara
biasa

Peringatan untuk diri yang hina
Hati! Usah tenggelam dalam suka ria
Jasad! Usah adatkan diulit mewah
Kudrat! Usah terfokus mengumpul laba
Jiwa! Usah mengatur strategi menipu mangsa
Raga! Usah terbakar dengan api amarah
Kalbu! Jarakkan diri dari dengki dan menzalimi
Ingatlah semua akan lenyap dari apa yang kau
cinta
Ketakutan berpisah dengan roh pasti terjadi
dengan izinNya

Dunia
Penuh pesona indah tercipta
Bukan aku tak cinta
Cuma kasihku padamu berpada
Kerana kau singgah sana fatamorgana
Aku mahu kembali pada yang Esa
Dalam keadaan fitrah
Sama seperti saat pertemuan kita yang
pertama

ME Qalam Ehsan & Zahra AlJanna

